

SOLICITÚ DE PROYECTU DE DISEÑU Y REALIZACIÓN DE CAMPUS DE BRANU Y NAVIDÁ 2024 EN LLABORAL CIUDÁ DE LA CULTURA

EL PROYECTU.

La Sociedad Pública de Xestión y Promoción Turística y Cultural del Principáu d'Asturies (n'adelantre, la SPXP) tien encomendada la xestión, ente otros equipamientos culturales de la rexón, de Llaboral Ciudá de la Cultura en Xixón, que tien ente los sos fines dar toa clas de servicios y actividaes culturales.

Llaboral promueve un programa cultural y d'ociu que tien la mira (ente otros) d'ufiertar actividaes de calidá al públicu infantil y familiar, averando a la población al mundu de les artes dende les edaes más tempranes.

Por eso, preséntase esta solicitú de proyectos de Campus con un oxetivu doble: per una parte, ayudar a les families a conciliar en momentos vacacionales la so vida personal y llaboral al traviés d'esta actividá; y, per otra, ufiertar a lo más mozo actividaes didáctiques y lúdiques onde puedan disfrutar, aprender y rellacionase, nuna contorna segura.

Pa cumplir estos oxetivos faise esta solicitú de proyectos cola que se va escoyer la propuesta qu'algame meyor valoración, que va desenvolvese nos periodos de branu y Navidá del 2024.

1.- OXETU DE LA CONVOCATORIA.

L'oxetu d'esta convocatoria ye la escoyeta d'un proyectu de Campus (branu y Navidá) y la so realización posterior nes instalaciones de Llaboral Ciudá de la Cultura.

El **Campus de Branu** va desenvolvese a lo llargo d'ocho selmanes nel branu del 2024, nos meses de xunetu y agostu, sacante la Selmana Grande de Xixón (nesti casu, la del festivu del 15 d'agostu). Van diseñase delles sesiones temátiques con calter selmanal. Les xornaes han ufiertase nestos términos:

- El Campus va destinase a neños/neñes de 3* a 12 años, separaos por edaes nos tramos 3 a 5 años / 6 a 12 años.
- *Pa participar nel Campus, los neños/es de 3 años han tar yá escolarizaos.*
- Ha facese en formatu selmanal (de llunes a vienres) nestes selmanes:
 - 1 a 5 de xunetu del 2024
 - 8 a 12 de xunetu del 2024
 - 15 a 19 de xunetu del 2024
 - 22 a 26 de xunetu del 2024
 - 29 de xunetu al 2 d'agostu del 2024
 - 5 a 9 d'agostu del 2024
 - 19 a 23 d'agostu del 2024
 - 26 a 30 d'agostu del 2024

- Hai qu'ufiertar como mínimu opción de **media xornada** (de 9:00 a 14:00 hores) o **xornada completa** (ha especificase la propuesta d'horariu ampliáu, que, como máximu, ha allargase hasta les 17:00 h).

L'axudicatariu tamién va poder ofrecer, si asina lo considera, opción de **media xornada + comida** (con salida a les 15:00 hores). *Esta modalidá suxiriéronla les families de participantes d'ediciones anteriores.*

Tocante a la comida de los/es participantes (nel casu de la xornada completa), esta xestión va correr a cargu de la empresa axudicataria, quien va poder proponer:

- **comíes nes instalaciones del Café de la Llaboral.** La empresa axudicataria del campamentu ha acordar colos responsables de *Patíoh Laboral* les condiciones del serviciu, pa lo que pue contactar directamente pa tratar con ellos estos detalles al traviés del corréu administracion@patiohlaboral.es o del teléfonu 610 778 560 (contactu: Bruno)
- **serviciu de catering** pa facer les comíes nuna de les sales del campamentu

Independientemente de la modalidá que s'escueya, los/les monitores han tar presentes nos tiempos de comida supervisando a los participantes, teniendo un cuidáu especial coles alerxes/intolerancias comunicaes y informando de cualquier incidencia que se puidere dar.

Va valorase positivamente la **opción de madrugadores** (entrada anticipada primero de les 9:00 hores).

El **Campus de Navidá** va desenvolvese a lo llargo de dos selmanes, sacante los festivos, coincidiendo col calendariu escolar pal periodu navidiegu 2024-2025. Han diseñase delles sesiones temátiques con calter diariu. Les xornaes han ufiertase nestos términos:

- Rangu d'edá únicu de 3* a 9 años.
- *Pa participar nel Campus, los neños/es de 3 años han tar yá escolarizaos.*
- Posibilidá d'apuntase díes sueltos o la selmana completa (3 xornaes siguies: "selmana Navidá" o "selmana Añu Nuevu").
- Diariu, estos díes (**podría llegar a sufrir cambeos de feches a tenor del calendariu escolar 2024-25*):
 - Llunes 23 d'avientu 2024
 - Xueves 26 d'avientu 2024
 - Vienres 27 d'avientu 2024
 - Llunes 30 d'avientu 2024
 - Xueves 2 de xineru 2025
 - Vienres 3 de xineru 2025
- Xornada de 9:00 a 14:00 hores.

Va valorase positivamente la **opción de madrugadores** (entrada anticipada primero de les 9:00 hores).

El resultáu económicu de l'actividá va ser pa la empresa axudicataria del proyectu, nun interviniendo la SPXP nesti sentíu.

La comisión aplicable pol usu del sistema de venta d'entraes (pagos con datáfonu na taquilla y ventes *online*) va asumila l'axudicatariu del Campus, siendo ésta descontada de la cantidá que s'ingrese poles ventes de l'actividá.

Va tresferise a la empresa axudicataria la parte de la recaudación correspondiente a la venta electrónica (tarxeta de débitu/creitu y venta *online*), depués de descontar les comisiones de venta de cada canal y cualquier otra tasa o impuestu aplicable llegalmente, a mes vencíu nel casu del Campus de Branu y al fin de l'actividá nel casu del Campus de Navidá. La recaudación de les ventes d'efectivu va apurrise a la empresa axudicataria na fecha/es convenida/íes ente les partes.

Llaboral Ciudá de la Cultura, pela so parte, proporciona:

- Instalaciones pal desenvolvimientu de les actividaes col montaxe y medios técnicos precisaos pa elles
- Promoción y difusión del Campus
- Serviciu d'información y venta d'entraes
- Canales de venta (Recepción de la Llaboral y venta *online*)

Con esta convocatoria establécense les bases y requisitos que van rexila, amás del procedimientu pa la escoyeta del proyectu en rellación colos principios de publicidá, concurrencia llibre y oxetividá.

2.- PUBLICACIÓN Y PUBLICIDÁ.

Esta convocatoria y bases, amás de la resolución del procedimientu, van publicase na páxina web de Llaboral Ciudá de la Cultura: www.laboralciudadde lacultura.com, amás de na web d'Asturies, *Cultura en Rede*: www.asturiesculturaenrede.es, ensin perxuiciu de los medios complementarios de difusión que la SPXP quiera usar.

3.- SOLICITANTES.

Van poder participar nesta convocatoria les persones físiques o xurídiques que desenvuelvan la so actividá principal nel ámbitu de la investigación o programación d'actividaes culturales, didáctiques, educatives y artístiques.

Los y les monitores que desenvuelvan l'actividá y tean en contactu colos grupos infantiles han presentar el Certificáu de Delitos de Naturaleza Sexual primero d'empezar el Campus.

4.- CARACTERÍSTIQUES DE LOS PROYECTOS PA PARTICIPAR NESTA CONVOCATORIA.

Les característiques qu'han cumplir y especificar les propuestas son estes:

Campus de Branu:

- Descripción del programa d'actividaes y horarios. El desenvolvimientu de les sesiones ha incluyir tiempos d'actividá y de recreu, estos últimos siempre supervisaos poles/os monitores.
- El desenvolvimientu temáticu de cada selmana va ser esti:
Preséntense cuatro temátiques selmanales diferentes que se van repetir pa cubrir el total de les ocho selmanes (temática 1, temática 2, temática 3, temática 4, y otra vez temática 1...) con actividaes variaes rellacionaes sobre manera coles artes plástiques y escéniques.
Cada selmana temática ha tener un nome/títulu que la identifique.
- Van poder incluyise dientro del cuadrante d'actividaes, si la empresa lo considera, visites guíes a **Llaboral Ciudá de la Cultura**, ensin qu'esto suponga un costu añadiu pal axudicatariu (Llaboral va poner la guía).
- Tamién van poder incluyise visites al **Xardín Botánicu Atlánticu, RTP o a LLABoral Centru d'arte** por ser un equipamientu d'interés que ta na contorna de Llaboral, ensin qu'esto suponga un costu adicional a la empresa axudicataria. La xestión d'estes visites correría a cargu de la Llaboral de manera coordinada cola empresa axudicataria, dependiendo'l que s'incluyan definitivamente de la disponibilidad de los centros mentaos.
- Nel desenvolvimientu del Campus tamién se busca que tengan un pesu específicu actividaes y/o procesos de trabayu con aplicación en **materia sostenible** cola mira de concienciar y sensibilizar a los participantes dende edaes tempranes en valores como'l respetu, el caltenimientu y la puesta en valor de los recursos culturales. Nel programa del Campus pídesse la integración d'actividaes sostenibles en materia social, ambiental y cultural.
- Han priorizase les actividaes al aire llibre nos espacios exteriores de la Llaboral, siempre que dexe'l tiempu.
- Amás, con una frecuencia selmanal, ha considerase nel cronograma una actividá en **llingua asturiana**.

Campus de Navidá:

- Descripción del programa d'actividaes y horarios. El desenvolvimientu de les sesiones ha incluyir tiempos d'actividá y de recreu, estos últimos siempre supervisaos poles y los monitores.
- El desenvolvimientu temáticu de cada xornada va ser esti:
Preséntense ocho sesiones diaries diferentes con delles actividaes rellacionaes coles artes plástiques y escéniques, desenvolviendo la creatividá y la imaxinación, y cola Navidá como filu conductor, ensin dexar de llau la tradición cultural, los personaxes, l'averamientu a otres cultures y la música d'estes feches.
Cada xornada temática ha tener un nome/títulu que la identifique.
- Nel desenvolvimientu del Campus de Navidá tamién se busca que tengan un pesu específicu actividaes y/o procesos de trabayu con aplicación en **materia sostenible** cola mira de concienciar y sensibilizar a los participantes dende edaes tempranes en valores como'l respetu, el caltenimientu y la puesta en valor de los recursos

culturales. Nel programa del Campus pídese la integración d'actividaes sostenibles en materia social, ambiental y cultural.

- Amás, con una frecuencia selmanal, ha considerase nel cronograma una actividá en llingua asturiana.

Común pa les dos ediciones (branu y Navidá):

Tolos espacios escoyíos pa l'actividá han cumplir la llexislación vixente en materia de seguranza y la referida a prevención de riesgos llaborales

Medios técnicos y humanos: los profesionales o entidaes han apurrir los medios técnicos (de los que nun disponga la sede) y humanos (cola formación que precise l'actividá) que seyan necesarios pal desenvolvimientu de l'actividá, amás de los materiales funxibles.

Los/es monitores qu'impantan el Campus han tener conocimientos de los temes que vaigan desenvolver en cada sesión, con vinculación llaboral o mercantil cola empresa axudicataria d'alcuerdu cola llegalidá vixente. La formación y esperiencia del equipu de monitores propuestu va ser un criteriu de pesu de cara a la resolución de la convocatoria. Amás, va valorase positivamente que los/es monitores tengan formación en primeros auxilios y la disponibilidad de personal especializao en NEE si se diere'l casu

Han disponer de **teléfonu móvil** de contactu tanto'l coordinador como'l/la monitor/a que más hores de trabayu desenvuelva nel centru. Nesti últimu casu (monitor que más hores desenvuelva) ha ser un teléfonu que se pueda dar a les families de los/les participantes pa la comunicación directa tocante a incidencies o avisos en rellación a l'actividá.

5.- PRESENTACIÓN DE SOLICITÚES. FORMA DE PRESENTACIÓN.

La solicitú ha unviase per email al corréu eventos@turismoycultura.asturias.es

Desque presentada, el/la solicitante va recibir acuse de recibu per corréu electrónicu.

La hora y fecha tope de presentación de les solicitúes van ser les **14:00 hores del día 18 de marzu del 2024.**

Información qu'ha tar recoyida nel proyectu que se presenta:

- De manera exhaustiva, pero concisa, tien que se desenvolver el **cronograma del conteníu de caúna de les sesiones** y actividaes programaes, amás de **poner un títulu** a caúna de les selmanes temátiques d'actividá, nel casu del Campus de Branu, y a caúna de les xornaes diaries d'actividá, nel casu del Campus de Navidá.
- Ha especificase'l **númeru máximu de participantes por grupu**, amás de la **ratio de monitor por neñu/a**. Amás, ha indicase si ye menester un númeru mínimu de participantes pa que salga alantre l'actividá.
**Los aforos van ser flexibles y van axustase siempre a tenor de les condiciones sanitaries y les restricciones vixentes*
- Ha dase información tocante a la **formación académica y esperiencia llaboral de los/es monitores** que van tar a cargu de los grupos de neños/es del Campus.
- Ha especificase'l **PVP** de l'actividá (tanto pal branu como pa Navidá) pa los asistentes, según les variables mentaes enantes. Han considerase precios

xenerales y precios más beneficiosos pa los nuestros socios del **Club Cultura y carné escolar**.

Amás, nel casu del Campus de Branu, ha ufiertase un descuentu pa los/es participantes **que compren dos o más selmanes, o cuando saquen entrada dos o más neños/es de la mesma unidá familiar** (non acumulable a otros descuentos).

Nel casu del Campus de Navidá, ha ufiertase un descuentu a los/es participantes que compren **les 3 sesiones d'una mesma selmana** (selmana Navidá / selmana Añu Nuevu). Non acumulable a otros descuentos.

- Precísase una descripción detallada de les **necesidaes técniques** (non apurries pola entidá que participa na convocatoria)
- Descripción del sistema que se va usar pa facer llegar les semeyes del Campus a les families (qu'autorizaren previamente la toma d'imáxenes).
- Semeya/es ilustrativa/es del proyectu.

6.- VALORACIÓN DE LOS PROYECTOS Y AXUDICACIÓN.

Va poder pidise a los/es interesaos/es toles aclaraciones, información o documentación complementario que seya menester pa la valoración correcta de los proyectos.

La resolución va comunicase a los interesaos/es primero del 15 d'abril del 2024 y va publicase na web de Llaboral: www.laboralciudadde lacultura.com, amás de na web d'Asturies, Cultura en Rede: www.asturiesculturaenrede.es

Criterios de valoración. Van calificase les propuestas presentaes como “Seleccionada” y “Non seleccionaes”, valorando que s'afaigan a estos criterios:

- La calidá, orixinalidá y calter novedosu del proyectu. Va tenese en consideranza'l grau d'ellaboración, detalle y concreción de la propuesta.
- La realización del mayor númberu posible d'actividaes al aire llibre.
- La inclusión nel programa d'actividaes n'otres llingües.
- La programación d'actividaes rellacionaes con tecnoloxíes nueves.
- El curiáu y fomentu especial, al traviés de les actividaes programaes, de la educación emocional, social y en valores.
- Va tenese una consideranza especial con aquelles propuestas que fomenten la igualdá y la diversidá, qu'usen un llinguaxe inclusivu, que promuevan una mayor visibilidá de la muyer, y/o que propongan discursos dende la identidá de xéneru.
- La esperiencia y trayectoria de los profesionales y entidaes nel desenvolvimientu d'estes actividaes, amás de la formación de los monitores que van atender los grupos del campamentu.
- La ufierta d'un serviciu de madrugadores, con entrada anticipada pa los participantes qu'asina lo quieran/precisen.
- La propuesta detallada d'organización de les comíes pa los participantes qu'usen esti serviciu (nel casu del Campus de Branu).

- L'adequación y especialización del Campus a neños/es con necesidaes especiales, si se diere'l casu.
- L'adequación del PVP al númberu de profesionales implicaos (ratio monitor/menores) y los medios técnicos y materiales funxibles que s'apurren.

Desque se valoren tolos proyectos, va publicase cuál foi l'axudicatariu.

7.- FORMALIZACIÓN DEL CONTRATU.

Desque s'axudique'l proyectu a la entidá escoyida, van formalizase los contratos correspondientes (contratu LOPD y contratu d'actividá). El plazu pa la formalización d'estos contratos va ser siempre d'a lo menos 7 díes primero de la fecha en qu'empiece l'actividá. El trescurso d'esi plazu ensin que llegue a formalizase'l contratu por causes imputables al solicitante va provocar la caducidá de la solicitú, la perda de los derechos que pudieren corresponde-y y la esclusión del so proyectu.

8.- OBLIGACIONES DE LA ENTIDÁ ESCOYIDA.

Nel casu de resultar escoyida la so propuesta, l'axudicatariu comprométese a:

- Desenvolver el proyectu nes feches, hores y términos conveníos.
- Poner a disposición de la SPXP los materiales gráficos y audiovisuales al so algame pa facilitar la promoción y difusión del campus.
- Difundir al traviés de los sos medios información sobre l'actividá (web, redes sociales, *mailing*, etc.) y collaborar cola SPXP na atención a los medios de comunicación nel casu de que seya menester.
- Aceptar l'usu del nome del profesional, asociación y/o empresa p'acciones promocionales o de comunicación del proyectu.
- Presentar la documentación que resulte d'aplicación según la llexislación vixente en materia de seguridad llaboral y prevención de riesgos llaborales.

9. - ACEPTACION DE LES BASES.

La presentación d'un proyectu a esta convocatoria supón l'aceptación automática y completa d'estes bases.